

SVEIO KONTROLL- OG KVALITETSUTVAL

PROTOKOLL

Måndag **20. juni 2022** blei det halde møte i Sveio kontroll- og kvalitetsutval under leiing av utvalsleiar Arne Valen.

MØTESTAD:	Sveio kommunehus, kommunestyresal
MØTESTART/-SLUTT:	kl.17.00 – kl. 19.10
MØTANDE MEDLEMMER:	Leiar Arne Valen (Sp), Gustav Eidsvåg (Frp), Solfrid Aasen (Sp) og Marit Elise Lier (Ap)
MØTANDE VARAMEDLEMMER:	Andreas Bårtvedt (H)
FORFALL:	Per S. Wathne (Krf)
FRÅ SEKRETARIATET MØTTE:	Dagleg leiar/utvalssekretær Toril Hallsjø, Haugaland Kontrollutvalgssekretariat IKS
FRÅ ROGALAND REVISJON IKS MØTTE:	Oppdragsleiar/revisor Hilde Johanne Trædal Forvaltningsrevisor Svein Kvalvåg via Teams i sak 19
FRÅ ADMINISTRASJONEN MØTTE:	Rådmann Jostein Førre Kommunalsjef Elisabeth Nygaard i sak 17
ANDRE SOM MØTTE:	Dir. Arvid Grimstvedt, Aktio AS i sak 16 Eldrerådsleiar Gustav Eilerås i sak 18 som tilhøyrar
MERKNADER TIL INNKALLING:	Ingen
MERKNADER TIL SAKSLISTE:	Sak 19 blei handsama før sak 16. Sak 18 blei flytta fram før sak 17. Protokollen følger sakslista. Leiar hadde i forkant meldt sak under Ymse.

FØLGJANDE SAKER BLEI HANDSAMA:

SAK 15/22 GODKJENNING AV PROTOKOLL FRÅ MØTET 09.05.22

Sekretariatet si innstilling:

Protokoll frå møtet i Sveio kontroll- og kvalitetsutval 09.05.22 blir godkjent slik han ligg føre.

Handsaming i kontroll- og kvalitetsutvalet 20.06.22:

Utvalet hadde ingen merknader.

Samrøystes vedtak i kontroll- og kvalitetsutvalet 20.06.22:

Protokoll frå møtet i Sveio kontroll- og kvalitetsutval 09.05.22 blir godkjent slik han ligg føre.

SAK 16/22 ORIENTERING FRÅ SELSKAPER - AKTIO AS

Sekretariatet si innstilling:

Sveio kontroll- og kvalitetsutval tek dagleg leiar Arvid Grimstvedt si utgreiing om selskapet Aktio AS til orientering.

Handsaming i kontroll- og kvalitetsutvalet 20.06.22:

Direktør/dagleg leiar Arvid Grimstvedt orienterte og viste presentasjon. Selskapet tilbyr arbeidstrening til personer som har falt utanfor det ordinære arbeidsmarked.

Han forklarte at selskapet nyleg hadde gjennomgått ein stor reorganisering med oppsplitting til fem selskap og førte no etter konsernrekneskap. Dotterselskapa er: Aktio Kompetanse AS, Aktio Eiendom AS, Haugaland Idrettsbarnehage AS og MC-butikken AS. Nytt namn var naturleg, då «Haugaland Industri» ikkje lenger var dekkande for dagens arbeidstreningstilbod. Omorganiseringa blei gjort etter krav frå NAV og for å unngå konkurransevridande verksemd. Selskapet si hovudoppgåve er å få folk ut i fast arbeid, ikkje tilby varige tilrettelagte arbeidsplasser. I 2015 blei dei kåra som tredje beste atfføringsbedrift i Noreg. Omorganiseringa hadde vore ein krevjande prosess.

Han meinte at det det no var stadig meir vanskeleg å få utføre, og spesielt dei unge utføre ut i arbeid. Prosent som har gått ut i arbeid dei siste åra visar likevel 60-64 % for Ung Jobb (samarbeid m/FKH og kommune) og 38-41 % for AFT (arbeidsførebuande trening). Konsernresultatet var positivt i 2021. Rekneskapa så langt i 2022 visar at alle selskapa går godt, men at det er små marginar.

Grimstvedt svarte på spørsmål, mellom anna samarbeid med Nav Vestland og Sveio kommune og verknader av pandemien. Ingen personar frå Sveio er eller har vore inkludert i arbeidstilbodet. Representantar frå Nav Sveio har ikkje delteke i samarbeidsmøte dei siste åra. At Sveio høyrer til Vestland fylke skulle ikkje vera til hinder for innsøking av kandidatar då Etne kommune, som og har tilhøyrsløse i Vestland, har ei meir aktiv rolle med å søke inn personar som treng arbeidstrening. Utvalet uttrykte ønskje om at selskapet tek initiativ for tettare samarbeid, då arbeidsmarknaden er like naturleg sørover som nordover, særleg ut frå at Sveio kommune har aksjar i selskapet. Han lova å følgje dette opp.

Leiar framheva det viktige arbeidet dei hadde med å få folk ut i jobb og då særleg dei unge. Han takka for presentasjonen og ønskte han og selskapa lukke til vidare.

Samrøystes vedtak i kontroll- og kvalitetsutvalet 20.06.22:

Sveio kontroll- og kvalitetsutval tek dagleg leiar Arvid Grimstvedt si utgreiing om konsernselskapet Aktio AS til orientering.

SAK 17/22 OPPFØLGING AV FORVALTNINGSREVISJON – «TILPASSA OPPLÆRING OG SPESIALUNDERVISNING»

Sekretariatet si innstilling:

Sveio kommunestyre tar rådmannen si tilbakemelding om arbeidet med oppfølging av forvaltningsrevisjonsrapport «Tilpassa opplæring og spesialundervisning» til orientering.

Handsaming i kontrollutvalet 20.06.22:

Utvalsleiar innleia. Han meinte det var ein grei tilbakemelding frå rådmannen, men ønskte meir utdjuving om punkt 5 om PP-tenesta. Rådmannen innrømma at det tidlegare hadde vore utfordrande med dei stadig skifta av psykologar og vakansane. Det hadde vore likt for alle samarbeidskommunane. Han opplyste at samarbeidsavtalen hadde vore gjennomgått to gonger, men at dei hadde funne den dekkande.

Kommunalsjef Nygaard utfylte med status per i dag med kontaktpersonar, jamlege møte og ny organisering, så ho var særst nøgd med stoda. Tilrettelegging for dei elevane som treng det, vert heile tida følgt opp med fagleg hjelp.

Utvalet var glad for at samarbeidet er bra og at avtalen er dekkande. Utvalet støtta Aasen sitt framlegg at tilbakemeldinga burde bli gjort kjent for hovudutval oppvekst/kultur. Rådmannen meinte utvalsleiar kunne gjere framlegg om det under kommunestyrehandsaminga.

Samrøystes vedtak i kontrollutvalet 20.06.22 og innstilling til kommunestyret:

Sveio kommunestyre tar rådmannen si tilbakemelding om arbeidet med oppfølging av forvaltningsrevisjonsrapport «Tilpassa opplæring og spesialundervisning» til orientering.

SAK 18/22 OM RUTINAR KNYTTE TIL TILDELING AV HELSE- OG OMSORGSTENESTER

Sekretariatet si innstilling:

Sveio kontroll- og kvalitetsutval tek rådmannen si tilbakemelding om rutinar knytte til tildeling av helse- og omsorgstenester til orientering.

Handsaming i kontroll- og kvalitetsutvalet 20.06.22:

Utvalsleiar innleia om bakgrunn for saka. Utvalet meinte det var gjeve ei god tilbakemelding.

Rådmannen forklarte kva som låg i prinsippet bak «omsorgstrappa», der førebygging er lågast og ein sjukeheims plass er høgast. Tildelingsutvalet må vurdere tildelte ressursar rettferdig etter tilgjengeleg ressursar, uavhengig av press frå pårørande og «til rett tid og til rett nivå».

Det er skjønnt som vert utøvd, men det er klagerett, og den er etter lova lagt til statsforvaltar. Deira vurdering vil vere meir uhilda og vurderer opp mot andre kommunar.

Sveio har budsjettert med 33 sjukeheims plasser, men har per i dag eit belegg på 40, så det er trongen som styrar inntaket. Ved vurdering av tildeling vil alltid god dokumentasjon vere viktig.

Utvalet var samd i at eit ekstra klageutval i kommunen ville berre forsinka ei klagehandsaming, og ville ikkje tilrå ei slikt tillegg. Utvalet støtta sekretariatet si innstilling.

Samrøystes vedtak i kontroll- og kvalitetsutvalet 20.06.22:

Sveio kontroll- og kvalitetsutval tek rådmannen si tilbakemelding om rutinar knytte til tildeling av helse- og omsorgstenester til orientering.

SAK 19/22 PROSJEKTMANDAT – FORVALTNINGSREVISJON – «MATRIKKELFØRING OG GRENSEOPPMÅLINGAR»

Sekretariatet si innstilling:

Sveio kontroll- og kvalitetsutval tingar forvaltningsrevisjonsprosjektet «Matrikkelføring og grenseoppmåling» i tråd med det utkastet til prosjektmandat som ligg føre frå Rogaland Revisjon.

Ramma vert sett til 250 timar. Prosjektet vert sett i gong for levering

Handsaming i kontrollutvalet 20.06.22:

Forvaltningsrevisor Svein Kvalvåg deltok via Teams. Utvalsleiar gjekk gjennom revisjonen sitt framlegg til problemstillingar. Revisor opplyste at framlegget var basert på rådføring med kartverket. Dei ville gå inn i en del saker, men ikkje lenger enn to år tilbake.

Utvalsleiar ønskte ikkje forskyve tidligare valt prosjekt om planarbeid. Han var kome til at tilbakemeldinga frå rådmannen i sist møte var god. Det var gjort feil og dei var retta. Han hadde tillit til at kommunen no har ressursar og praksis og utførte arbeidet i tråd med regelverk. Det hadde vore enkeltsaker i rettssystemet, der resultatane var både i favør og disfavør for kommunen og klagar. Han meinte det ville vere feil å bruke så mykje ressursar, når det var lite truleg å få noko forbetring ut av det.

Han gjorde framlegg om ikkje å tinge eit nytt prosjekt innan dette temaet.

Aasen var ikkje samd i hans framlegg og ville støtte innstillinga. Ho hadde fått mange henvendingar om temaet, og meinte dette var viktig å ta tak i. Dei andre medlemmane var samd med utvalsleiar sitt framlegg og grunnjevna, og viste til at utvalet ikkje bør ta opp enkeltsaker. Dersom nokon har spørsmål om eigedommar, må desse vende seg til administrasjonen, ikkje til utvalet. Utvalet framheva at det var viktig at henvendingar blei svara ut.

Ved votering mellom innstillinga og utvalsleiar sitt framlegg fekk framlegget 4 røystar og innstillinga 1 røyst (Aasen).

Utvalsleiar takka forvaltningsrevisor for si deltaking

Vedtak i kontrollutvalet 20.06.22:

Sveio kontroll- og kvalitetsutval går ikkje inn for å tinge forvaltningsrevisjonsprosjekt om matrikkelføring og grenseoppmåling i tråd med Rogaland Revisjon sitt utkast til prosjektmandat.

Bakgrunn for det er at utvalet er nøgd med rådmannen si tilbakemelding i sist møte 09.05.21, sak 10/22, og at prosjektet synes ikkje å ville bidra til meir læring.

SAK 20/22 REFERAT- OG ORIENTERINGSSAKER 20.06.22

33. Statusrapport pr. juni 2022
34. Perioderapportering frå Rogaland Revisjon pr 30.04.22
35. Hamnerådsmøte 02.06.22 – Karmsund Havn IKS
36. Henvending til utvalet frå Ole Kalkvik 21.05.22 om sak i utvalet HTN om mur
37. Førebels svar til Ole Kalkvik 25.05.22
38. Oppsummering frå FKT- konferansen 8.-9.06.22 på Kløfta
39. FKT – «Veileder – Håndtering av henvendelser til kontrollutvalget» - juni 2022

Sekretariatet si innstilling:

Sveio kontroll- og kvalitetsutval tar referatsakene 33 – 39 til orientering.

Sveio kontroll- og kvalitetsutval visar til henvendinga frå Ole Kalkvik og utvalet vurderer det som ei sak utvalet vel ikkje å følgje opp.

Handsaming i kontroll- og kvalitetsutvalet 20.06.22:

Sekretær gjekk gjennom statusrapport og perioderapport. Ho hadde sjølv møtt som observatør på hamnerådsmøtet. Til sak 36-37 viste utvalet til at saka er under politisk handsaming og er difor ikkje ei sak for utvalet. Utvalet støtta innstillinga.

Utvalsleiar orienterte frå fagkonferansen til Forum for Kontroll og Tilsyn, som han fant svært givande og lærerik. Han delte ut eit ark frå rettleiaren med «trafikklysmodellen» til hjelp ved henvendingar. Utvalet ønsket rettleiaren tilsendt. Sekretær opplyste at den ligg også på sekretariatet sine nettsider.

Vedtak i kontroll- og kvalitetsutvalet 20.06.22:

Sveio kontroll- og kvalitetsutval tar referatsakene 33 – 39 til orientering.

Sveio kontroll- og kvalitetsutval visar til henvendinga frå Ole Kalkvik og utvalet vurderer det som ei sak utvalet vel ikkje å følgje opp.

YMSE

Utvalet si rolle under pandemien

Utvalsleiar viste til at kommunestyret hadde støtta hans oppmoding om at kommunen burde gje uttale til NOU 2022:5 «Myndigheitenes handtering av koronapandemien – del 2». Han viste til at regjeringa hadde endra den sentrale koronaforskriften 125 gonger på 11 månader og trakk fram døme på lokale forskrifter kor kommunar hadde nytta svært strenge tiltak. Han ville gjerne vite utvalet si rolle i ei slik tid.

Møte nr. 3/22

Rådmannen viste til at ein pandemi vert handtert av kommuneoverlegen og kriseleiinga i kommunen. For kommunane på Haugalandet hadde samarbeidet fungert godt med like reglar. Det er her tale om korte fristar, slik at delegasjon til formannskap er det som synast å vere mest aktuelt. Rådmannen svara så på spørsmål om kompensasjon for koronamidlar.

Neste møte: måndag **19. september kl. 17.00**

Saker: Orientering om Haugaland Kraft AS, revisor si eigenerklæring for 2022, budsjett for kommunens kontrollarbeid 2023

Sveio/Aksdal, 20. juni 2022

Arne Valen
kontroll- og kvalitetsutvalsleiar

Toril Hallsjø
utvalssekretær